

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 400165 21 St
Tuzla, 20.07.2021. godine**

Općinski sud u Tuzli, sudija Ilvana Delić, u stečajnom postupku nad imovinom dužnika „A HOTELI“ d.o.o. Tuzla, ul. Zavnobih-a 13, dana 20.07.2021. godine, donio je sljedeće

R J E Š E N J E

I-OTVARA SE stečajni postupak nad imovinom dužnika „A HOTELI“ d.o.o. Tuzla, ul. Zavnobih-a 13, matični broj subjekta 32-01-0200-15, broj glavnog računa 1861410310070881 otvoren je kod Ziraat banka dd Sarajevo.

II-Stečajni postupak se otvara sa danom 20.07.2021. godine u 09,00 sati, kada se rješenje o otvaranju stečajnog postupka ističe na oglasnoj tabli suda. Oglas o otvaranju stečajnog postupka objavit će se u „Službenim novinama F BiH“.

III-Za stečajnog upravnika imenuje se Senad Uzunić iz Tuzle, ul. Izeta Sarajlića 5C.

IV-Pozivaju se povjerioci da u roku od 30 (trideset) dana, od dana objavljivanja oglasa o otvaranju stečajnog postupka u „Službenim novinama F BiH“ prijave svoja potraživanja stečajnom sudu dostavom prijave i priloga u dva primjerka u skladu sa odredbama Zakona o stečajnom postupku o prijavi potraživanja (član 110. Zakona), te prilože dokaz o uplaćenju sudskoj taksi na prijavu potraživanja u iznosu od 1% od vrijednosti potraživanja, s tim da taksa ne može biti manja od 50,00 KM, niti veća od 10.000,00 KM, na žiro račun broj 1321000256000080, vrsta prihoda 722221, primalac Budžet Tuzlanskog kantona.

V-Pozivaju se povjerioci da u roku od 30 (trideset) dana, od dana objavljivanja oglasa o otvaranju stečajnog postupka u „Službenim novinama F BiH“ stečajnog upravnika obavijeste koja prava osiguranja potražuju na predmetima imovine stečajnog dužnika. Potrebno je navesti predmet na kome se potražuje pravo osiguranja, vrstu i razlog nastanka prava osiguranja kao i osigurano potraživanje.

VI-Pozivaju se lica koja imaju obaveze prema stečajnom dužniku da ih bez odlaganja izvrše.

VII-Otvaranje stečajnog postupka ima se upisati u sudski registar Općinskog suda u Tuzli, zemljišne knjige Općinskog suda u Tuzli, te kod Službe za geodetske i imovinsko-pravne poslove Grada Tuzla.

VIII-Skupština povjerilaca (ročište za ispitivanje) na kojem će se ispitati prijavljena potraživanja zakazuje se **za dan ČETVRTAK 30.09.2021. godine u 09,00 sati**, u zgradi Općinskog suda u Tuzli, ulica ZAVNOBIH-a bb, sudnica S4.

IX-Skupština povjerenica (izvještajno ročište) na kome će se na osnovu izvještaja stečajnog upravnika odlučiti o daljem toku stečajnog postupka održat će se ČETVRTAK 30.09.2021. godine u 09,30 sati, na istom mjestu nakon ročišta za ispitivanje prijava potraživanja.

X-Rješenje o otvaranju stečajnog postupka u cijelosti objavit će se na oglasnoj tabli suda, web-stranici suda – elektronskoj tabli suda, na internet stranici FIA-e, a u Službenim novinama F BiH objavit će se samo izreka rješenja.

O b r a z l o ž e n j e

Dana 23.04.2021. godine, predlagač „A HOTELI“ d.o.o. Tuzla, ul. Završnih-a 13, podnio je prijedlog za otvaranje stečajnog postupka nad ovim privrednim društvom iz razloga platežne nesposobnosti, shodno odredbi člana 4. i člana 6. Zakona o stečajnom postupku (Službene novine F BiH, broj 29/03, 32/04 i 42/06).

Nakon razmatranja prijedloga sud je rješenjem od 01.06.2021. godine pokrenuo prethodni postupak radi utvrđivanja uslova za otvaranje stečajnog postupka i imenovao privremenog stečajnog upravnika na osnovu odredbe člana 13. člana 14. i člana 16. Zakona o stečajnom postupku (Službene novine F BiH, broj 29/03, 32/04 i 42/06).

Privremeni stečajni upravnik u spis suda dostavio je izvještaj o provedenom prethodnom postupku sa nalazom i mišljenjem na okolnosti postojanja razloga za otvaranje stečajnog postupka. Na osnovu odredbe člana 43. stav 1. Zakona o stečajnom postupku (Službene novine F BiH, broj 29/03, 32/04 i 42/06) zakazano je ročište radi ispitivanja uslova za otvaranje stečajnog postupka i rasprave o izvještaju privremenog stečajnog upravnika na kojim je saslušan zastupnik stečajnog dužnika.

Iz izvještaja privremenog stečajnog upravnika utvrđeno je da dužnik ne obavlja registrovanu djelatnost od maja 2021. godine, te da je u posljednje tri godine društvo poslovalo negativno. U društvu je prijavljeno dva radnika direktor i prokurista. Društvo ima pokretnu imovinu koje se sastoji od stalnih sredstava iz grupe postrojenja i oprema, zalihe sirovina koje se odnose na preostale zalihe pića, kafe i začina te robe koja se odnosi na zalihe kupućinskih elemenata. Također iz izvještaja proizilazi da su transakcijski račun dužnika blokirani. Obaveze društva sastoje se od obaveza prema zaposlenima (obaveze za neto plate) i ostale porezne obaveze, te iznose 702.678,00 KM.

Dakle, na osnovu izvedenih dokaza tokom postupka utvrđeno je da je prijedlog za pokretanje stečajnog postupka dopušten, zbog nesolventnosti i nelikvidnosti dužnika postoji stečajni razlog, a iz uplaćenih sredstava na ime finansiranja troškova prethodnog postupka od strane predlagača postoje sredstva za finansiranje troškova stečajnog postupka. Na osnovu navedenog ispunjeni su uslovi za otvaranje stečajnog postupka nad imovinom dužnika.

Sud je shodno odredbi člana 102. stav 9. a u vezi sa članom 6. Zakona o stečajnom F BiH (Službene novine F BiH broj 53/65) kao i članova 296. i 298. istog zakona, odlučio kao u izreci rješenja.

Odluku o imenovanju stečajnog upravnika, sud je donio shodno odredbi člana 104. stav 1. Zakona o stečajnom postupku F BiH (Službene novine F BiH broj 53/65) , a nakon što je utvrdio da isti ispunjava uslove utvrđene odredbom člana 71. istog zakona.

Sud je, odluku o određivanju ročišta za ispitivanje prijavljenih potraživanja i izvještajnog ročišta, donio na osnovu člana 106. Zakona o stečajnom postupku F BiH (Službene novine F BiH broj 53/65).

Odluku o objavljivanju otvaranja stečajnog postupka, sud je donio shodno odredbi člana 107. stav 1. Zakona o stečajnom postupku F BiH (Službene novine F BiH broj 53/65).

Na osnovu odredbe člana 105. Zakona o stečajnom postupku F BiH (Službene novine F BiH broj 53/65), sud je uputio odgovarajuće pozive povjeriocima i dužnicima stečajnog dužnika.

Upis otvaranja stečajnog postupka u javne registre određen je na osnovu odredbe člana 108. Zakona o stečajnom postupku F BiH (Službene novine F BiH broj 53/65).

Stečajni sudija,
Ilvana Delić

POUKA O PRAVNOM LIJEKU: Protiv ovog rješenja žalbu može uložiti stečajni dužnik. Žalba se podnosi Kantonalnom sudu u Tuzli, putem ovog suda u tri primjerka u roku od 8 dana po proteku dva radna dana od dana objave rješenja u Službenim novinama F BiH. Žalba iz prethodnog stava ne odlaže izvršenje rješenja.